

衝風破雨正愁人，愁得心情沒半分。
何處吹來好消息？諸峰放散夜來雲。
雲欲開時又不開，問天覓陣好風催。
雨無多落泥偏滑，溪不勝深岸故頽。

插秧歌

田夫拋秧田婦接，小兒拔秧大兒插。
笠是兜鍪蓑是甲，雨從頭上濕到胛^①。
喚渠朝餐歇半霎，低頭折腰只不答。
「秧根未牢蔕未匝，照管鵝兒與雛鴨。」

【校】

①「胛」，汲古閣本、四庫本作「脚」。

明發平坦市^{〔二〕}

花飛滋曉寒，葉暝新野聽^①。
萬象宿雨餘，潔齋無欠淨。
霽曦耿欲吐，遠峰忽復暝。
林